

Bonovi za hranu

Program bonova za hranu savezne države Georgia, na saveznom nivou poznat kao Program dodatne pomoći za ishranu (**SNAP**), predstavlja federalno financirani program koji nudi mjesečne beneficije za domaćinstva s niskim primanjima kako bi im se pomoglo u plaćanju troškova ishrane. Domaćinstvo se može sastojati od jedne osobe koja živi sama, porodice ili nekoliko osoba koje nisu u srodstvu, a žive zajedno i redovno kupuju i pripremaju obroke zajedno.

Svako se može prijaviti za beneficije u vidu bonova za hranu. Program pomaže domaćinstvima koja imaju ograničene prihode i sredstva.

Kako se prijaviti za SNAP beneficije:

Prvi korak: Pripremite se

Proučite ovaj dokument kako biste saznali više o potrebnim uslovima: [SNAP beneficije u saveznoj državi Georgia](#).

Drugi korak: Ispunite i podnesite aplikaciju za beneficije

Kako se prijaviti:

1. Preuzmite aplikaciju koja se nalazi ovdje:

[Kliknite ovdje za - Formular 297 - Aplikacija za beneficije](#)

ILI

Možete zatražiti aplikaciju u papirnatom obliku tako što ćete posjetiti lokalni DFCS ured ili pozvati Kontakt centar za korisnike na broj 877-423-4746 i zatražiti da vam se aplikacija pošalje poštom.

Smatra se da je aplikacija podnesena kada sadrži ime glave domaćinstva, adresu, datum i potpis glave domaćinstva ili drugog člana domaćinstva i kada je primi Ministarstvo.

2. Podnesite aplikaciju putem pošte ili lično svom lokalnom uredu Ministarstva za pružanje usluga porodici i djeci (DFCS). Spisak kontakt informacija za vaš lokalni okružni ured možete pronaći [ovdje](#).

Treći korak: Intervju

Nakon što podnesete aplikaciju, član osoblja iz DFCS-a mora intervjuisati vas ili člana vašeg domaćinstva. Osoba koja se intervjuiše mora poznavati situaciju u vašem domaćinstvu. Intervju putem telefona je obavezan.

POSEBNA OBAVJEŠTENJA:

IZJAVA O ZABRANI DISKRIMINACIJE:

U skladu sa saveznim zakonom o građanskim pravima te propisima i politikama o građanskim pravima Ministarstva poljoprivrede SAD-a (USDA), zabranjeno je da USDA, njegove agencije, uredi i zaposlenici, te institucije koje učestvuju ili upravljaju USDA-ovim programima vrše diskriminaciju na osnovu rase, boje kože, nacionalnog porijekla, spola, vjerskih uvjerenja, invaliditeta, dobi, političkih uvjerenja ili da vrše odmazdu ili osvetu za raniju građansko-pravnu aktivnost u bilo kojem programu ili djelovanju koje provodi ili financira USDA.

Osobe s invaliditetom kojima su potrebna alternativna sredstva komunikacije za dobivanje informacija o programu (npr. Brailleovo pismo, krupno štampana slova, audio kasete, američki znakovni jezik itd.) trebaju kontaktirati agenciju (državnu ili lokalnu) u kojoj su se prijavile za beneficije. Osobe koje su gluhe, nagluhe ili imaju govorne poteškoće mogu kontaktirati USDA putem Savezne relejne službe na broj (800) 877-8339. Osim toga, informacije o programu mogu biti dostupne na jezicima pored engleskog.

Za podnošenje žalbe na diskriminaciju u programu, popunite [USDA obrazac za žalbu na diskriminaciju](#), (AD-3027) koji se nalazi na internetu na: http://www.ascr.usda.gov/complaint_filing_cust.html, kao i u svakom uredu USDA-a, ili adresirajte pismo USDA-u i navedite u njemu sve informacije koje se traže u obrascu. Primjerak obrasca za žalbu možete zatražiti pozivom na broj (866) 632-9992. Popunjeni obrazac ili pismo podnesite USDA-u putem:

- (1) pošte: U.S. Department of Agriculture
Office of the Assistant Secretary for Civil Rights
1400 Independence Avenue, SW
Washington, D.C. 20250-9410;
- (2) faksa: (202) 690-7442; ili
- (3) e-pošte: program.intake@usda.gov.

Ova institucija je davatelj usluga jednakih mogućnosti.

Žalbu na diskriminaciju takođe možete podnijeti kontaktiranjem Programa za građanska prava Odjela za porodičnu i dječju zaštitu na adresu Two Peachtree Street, N.W., Suite 19-248, Atlanta, Georgia 30303 ili putem telefona na broj (404) 657-3735 ili faksa na broj (404) 463-3978. Za usluge namijenjene osobama s ograničenim znanjem engleskog jezika i senzornim oštećenjima, kontaktirajte Program za osobe s ograničenim znanjem engleskog jezika i senzornim oštećenjima Ministarstva socijalne zaštite na adresu: Two Peachtree Street, N.W., Suite 29-103 N.W., Atlanta, GA 30303 ili putem telefona na broj (404)-657-5244 ili faksa na broj (404)-651-6815.

FNS-OVO OBAVJEŠTENJE O NEŽELJENIM POZIVIMA:

Primili smo prijave od javnosti o neželjenim pozivima sa, kako se čini, [SNAP besplatnog broja za informacije](#): 1-800-221-5689. Osobe koje vrše neželjene pozive traže lične informacije nudeći pomoć u ispunjavanju aplikacije za SNAP ili druge usluge koje nisu vezane za SNAP, kao što su sigurnosni sistemi za kuće. Nikad nemojte davati lične informacije ili broj svoje kreditne kartice putem telefona ovakvim pozivateljima. Ova vanjska stranka koja je „lažirala“ SNAP besplatni broj za informacije nije povezana s FNS-om ili SNAP-om. Ako sumnjate da primete nelegitimne pozive s broja 1-800-221-5689, možete [podnijeti žalbu](#) Saveznoj komisiji za komunikacije (FCC). Ako

ste već postali žrtva ove ili slične prevare, posjetite: <http://www.ftc.gov/bcp/edu/microsites/idtheft/> za više informacija o krađi identiteta.